

تورک پوردی

ناشری : تورک پوردی

مدیری : آق چوره اوغلی یوسف

پیل ۳ جلد ۶ صای ۶۳

۳ نیشان ۱۳۳۰

پیل ۱۳۳۰ صای ۳

کیجه لرمدن

بالقونده یالکیزدم ، مشعشع بر یازکیجه سی دی: قر اطراف یالیزلره غرق
ایدیور ، قارشیده مرمره یی کوشدن برکوله بکیزه تهرک پارلاتیوردی. ایجریده ،
غلبه لاق و منور ، سالونده ، دمیکی کورواتو یرینه شیمدی درین برسکوت وار.
سویلی ن . خانم پیانوده ، ظریف س . بک کانیه ، اک ایجه طویغولرینی
جانلاندیره رق بهوونک مشهور قره سونانی جالیورلر .

ایشته پارلاق بر شماع ، صوکره درین بر این ... بو سو-لی کیجه ،
بو آغلایان موسیقی ، بکانلر خاطرلاتیور..

خیالده بابام ینه یاشایور . اونکله طرابلس ، اوختضر ، فقط حالا اولمک
ایسته مه یی بیچاره طرابلس دکل ، بابامله برلکده یاشادینغمز او بزم اسکی جانلی
طرابلسه می ، سویلی محیطی ، سوکیلی منظره لرله کورویورم .

طرابلس قهرک اش-سز مهتابی کیجه لری! حیاتک بعضاً مسعود ، جوق کره
ایم ، فقط دائما جانلی دقیقه لرینی صاقلایان سوکیلی کیجه لر! آه ، شیمدی سزدن
نه قادیار اوزاقده میم . بوکون ، بی خبر ، هانکی مسعود انسانلری ، هانکی بختیار
ملتی سوندریورسکز ؟ بن سزک حسرتکیزله آغلایورم .

هجرانلریمی اویوتان او مهیب و محزون مناظرکیزک معادلنی هیچ بر یرده
بولمایورم . هر آقشام قولاقلم ، سحر آق دکنر طالع لرینک آهنگدار
فیصیلتیلرینی ، کریزان سالالانان خورما دالترینک درین بکالرینی ، آلتون توزی
کبی قوملری صاووران صیجاق روزکارلرک ایکیتیلی شهیقلرینی ، آتلی نفسی
بهوده آرایور.. آه ، سعادتده ، فلاکتده او مذهب سما آلتنده باشقا برشمر
ایله ، باشقا برحس ایله تجلی ایدردی .

شیمدی بوتون او جاذبه لی لوحه لردن آیریلان برکیجه غحیله مده سحرلی حیاتیله
یاشایور : طرابلسده برکیجه ایدی ... آرتیق قارشیمده کی منظره بوسبتون
سیلیندی؛ کوزلرم خاطره مده کی لوحه دن ماعدا هیچ بر شی کورمیور ... اوت
مظلم برکیجه ایدی ، بابامله آتلیرمزه بینه رک ، قرک طلوعنی سیر ایتک ایچین دکنر

کنارینه دوغرو کید یوردق . بوتون محیطمز قرا کلدی . باصیق قوم تپه‌لری ، نارین خورما آغاچلری ، اینجیر دیکنلریله بولونمش بغمچهلر ، روحی صیقان سیاهلغک ایچنده اریمشدی . بوسیاه طبیعت، یالکیز بغمچهلردن یوکسان یاسمین ، یورتقال و تورنج چیچکلرینک رابجه‌لری ، تازه بیاض بر حیيات نفحه‌سی سر یوردی .

باهاک کوزلرینی بهوده آرایوردم ؛ - اونلرک اوحالی آتشی بیله کورمک قابل اولیوردی . - فقط کورمه‌دنده بیل یوردم که اونک سوکیلی نظرلری ، شیمدی سهاد، یوکسک املنک ، مقدس مقصدینک حصولته چاره‌لر آرایوردی . فقط او ائساده ، اونک شدتلی بر اوکسوروکی ، بنم کوکسیمی پارچالادی :

— باباجمینه اوکسور یورسکیز ؟

— ضرری یوق قیزم ، کچر .

اوخ ! او ، پک اعلا بیل یوردی که کچمیه جک ، و بو غدار اوکسور وک اونی بزم محبتزدن آیراجق ، ابدی آیراجق . فقط او ، صحتی قربان ایتدیکی وطنینه ، حیاتی ده فدایه حاضر لانیور . یاشایا بیله جکی بر قاج سنه‌نی ده اکیسایتمکدن هیچ چکینه یور . مملکتینی مستفید ایده بیلیمک ایچین متادیآ چالیشیور ؛ چوق چالیشمقدن ماعداده هیچ بردوشونجه‌سی یوق ... آه ربم ، اوکا صحتی تکرار ویرا !

— قیزم ، باق نه کوزل !

سوکیلی سسی دعالر مه فاصله ویردی .

اوراده ، قارشیده سمانک زمینله برلشدیکی نقطه‌لرده ، دمین برطاقم سیاه قنادلر کیمی دوران بلوطلر ، شیمدی یواش یواش بیاض لانیور ؛ خفیف خفیف یالیزی لانیوردی . سوکرا بوسبتون پارلادیلر ، علولندیلر ؛ او علولردن اطرافه نورلر طاغیلدی . نهایت ، بولوطلرک آرقاسندن قر نورلر ایچنده کوروندی . طالع ضیا سریره‌ک یوکسه لیور ، اونی استقباله حاضر لانمش قویولا جوردد کزی ، ایکله یین طالع‌لری ، ساکت ساحلری ، ظریف خورما آغاچلرینی ، کولککيه بکزمه یین قوم تپه‌لرینی ، نهایتنر چوللری ، شوخ تبسمارله سلاملایوردی . اوخ ، نه کوزل ، نه کوزلدی ...

اوزاقدن ، آهنگدار بر سس ، یکنسق بر تغنی ، شهسز کوزل بر عرب
قیزینک ایکی نوت اوستتده اوقودینی بر غزل کیجهنک خریب ، کرینه‌نک
بر دعای کبی کلیوردی .

طبیعتی روحلرمزک بوتون قوتیله آکلادینی او دقیقه‌ده کیم بیلیر هانکی
بر حمله یی بکلین بوتون الیم ماتعلری صانکه دویمشدم . عجبا بابام‌ده سوکلی
مملکتیمزه کله چک فلاکتلری ، پیامبرانه ذکاسیله آکلامشی ایدی که اونک‌ده
کوزلرندن یاشلر دوکولمکه باشلادی . و بویله جه بر زمان یان یانه ، قمرک مستهزی
نظرلری آلتده ، ده کزک پارلاق عثماني قارشینده آغلادق . او حیاتی قدا
ایتمکده اولدینی وطنی ایچین آغلایوردی ، بن‌ده احتمالک ایلک وطن محبتی
بابامدن اوکرندیگمدن ، احتمال وطن محبتک اک درین ، اک علوی ، اک
فجیع بر تمثالی اونده کوردیگمدن ، احتمالک دنیا‌ده اک زیاده وطن‌له بابایی
سودیگمدن و هر ایکینه اولان حرمتکار و درین محبتی هیچ بر برندن آیره-
مدیگمدن هر ایکینی ایچین ، بردن آغلایوردم...

بوتون او آجی کوز یاشلرینه رغماً او دقیقه‌لر ، نه مسعود ایتمش !
شیمدی او اسکی خاطرلرک ابدی جنق اولان طرابلس‌ده کتیدی ... یی
دیگله‌ین ، تسلی ایدن باباجم‌ده کتیدی ... بابامله بن یالکیز حیاتک سعادت ،
استنادگاهنی فائب ایتش اولمادم ، او بنم ایچین هرشیدی : اونک بویوک و مرحمتی
قلبی بنده علوی حسلر او یاندران مبدمدی ، اونک تیتیز ، سرت وجدانی بکا
دوغری یولی کوسرن لاهوتی بر مشعله‌مدی ، اونک کنیش و پارلاق ذکاسی
یی دائماً بویوک وظیفه‌لره چکن ییلدیزمدی ...

... بابامز یاشایالی حس ایتدیگم تک بر تسلی اونک بو قارا کونلری
کورمه‌مسیدر...

اوخ ، باباجم ، باباجم ! مسعود ایدم بیلیمک ایچین جکرلریکی بارجه بارجه
ایتدیگمک مملکتک شیمدیکی حافی ، تا اوراده ، قوم تیه‌سنده کی طاشمز ، اسمم
مزارکدن کورو یورمیسک ؟ یانکده طولاشان دشمن آیاقلرینک مغرور سستی
ایشید یورمیسک ؟ ...

پورتقال چيچكلرى ، بياض ياسمنلار ، كوزل قوقولى فوللار ، اوراده سېر
منظر تېپەسندەكى باباجغىمك اوزون بياض مزارىنىڭ اطرافىدە بويويك ، بويويك
واۋى ايىچە صاقلايك كە دشمنك ملوٹ آياقلىرى اونك مقدس طوپراغى
چيكنە يەمەسەن...

...

ايچرىدە آغلایان ، آغلانان موسيقى صوك برأينلە سسونيور... قارشىدە
قر ، صوك بر شعاعى سريەرك غائب اولويور... قوتلى بر آقئيش ، بالقونك
سكوتى بوغازق نېمەدە سوكىلى رۇيامى اولدردى .

بشكطاش ، ۱۶ نېسان ۱۳۲۹

سويىم بىكە



تورک آدى

اى تورك كىنجى ، دىگله اونى ، باق ايچىندن سىس كىييور ،
فېرطنەلر چارپىشەرق ، دىگله ، فصل يوكسەلييور .
دويولييور ، تا ايچىندن اولو قورقونچ اوغلىلار ،
يىلدىرملر سورويەرك ، باق كچييور ، ھېپ اوردولر ؛
اوردولر كە اوزاقلردە حالا يانار ھى سونكوسى ،
دىگله بونى ، او جنسكلرك ايشيدىلير كورولتوسى...
اى تورك آدى ، اوجورومك ايگلدییور درين درين ،
بو كوركەدە چاپقىرەرق ووروشیيور ، دەمىرلرك .

سنىك آدك بر مەرەدر : فېرطنەلر اوندە طاشار ،
دىگلسەك بر ، صانكە بوتون جوشغون دە كىز اوندە ياشار !
دويديك ايشتە درينلردن چىشوب كفى او سىسلرى :
اونلر سنىك تارىخىڭىڭ بىش بىك يىللق نفسلىرى .